

**ପିଲିପିଅ ମଣ୍ଡଳୀର ବିଶ୍ୱାସୀମାନଙ୍କୁ ପାଠଲଙ୍କ ପତ୍ର**  
**ପିଲିପିୟ ମଣ୍ଡଳୀର ବିସ୍ତୃତୀମାନଙ୍କେ**  
**ପାଠଲ୍ ତିଟି ଲେକ୍‌ଲାଟା**  
**ଏ ବଇର୍ ବିସଇ ପଦେକ୍ ଜାନ୍‌ବାଟା**

ଜିସୁକ୍ରିଷ୍ଟ ଜନମ୍ ଅଇକରି ୬୧ ବରସ୍ ପଟେ ପାଠଲ୍ ପିଲିପିଅ ମଣ୍ଡଳୀର ବିସ୍ତୃତୀମାନର୍ ଲଗେ ଏ ତିଟି ଲେକିରଇଲା । ଏ ତିଟି ପାଠଲ୍ ରମ୍ ରାଇଜେ ବନ୍ଦି ରଇଲାବେଲେ ଲେକିରଇଲା ୧:୧୩ ।

ପିଲିପି ସଅରେ ରଇବା ମଣ୍ଡଳୀମାନଙ୍କେସେ ଏ ତିଟି ଲେକାଅଇରଇଲା । ଆମେ ପେରିଡ୍ ବଇଟାନେ ମିସା କେଡେଟା ବିସଇ ପିଲିପିୟ ବଇର୍ ବିସଇ ଜାନିପାରିଅଇସି । ପିଲିପି ମାକିଦନିଆର୍ ରାଜ୍‌ଦାନି ରଇଲା । ଏଟା ମାକିଦନିଆଇ ତିଆର୍ ଅଇରଇବା ପର୍ତୁମ୍ ମଣ୍ଡଳି ରଇଲା । ଏ ମଣ୍ଡଳି ପାଠଲ୍ ଆରି ସିଲା ମିସିକରି ଆରାମ୍ କରିରଇଲାଇ । ଆରି ତେଇ ରଇଲାବେଲେ ଗଟେକ୍ ରାତିର୍‌ପାଇ ସେମନ୍‌କେ ବନ୍ଦିକରି ସଙ୍ଗଇରଇଲାଇ ପେରିଡ୍ ୧୬ ।

ପାଠଲ୍ ଏ ତିଟି ଲେକ୍‌ବାକେ କେଡେଟା ଆଦେସ୍ ରଇସି ମିସା । ସେ ବନ୍ଦି ରଇବା ବିସଇ ସୁନି ମଣ୍ଡଳୀର୍ ଲକ୍‌ମନ୍ ଚାନ୍ଦା ଉଟାଇକରି ପାଟାଇରଇଲାଇଜେ ସେମନ୍‌କେ ଦନିଅବାଦ୍ ଦେବା ଉଦେସେ ତିଟି ଲେକ୍‌ଲାଆଟେ ୪:୧୦-୧୯ । ସେ ମିସା ତାର୍ ବନ୍ଦିରଇଲା ବେଲର୍ ଟିକିନିକି ବିସଇ ମଣ୍ଡଳିତେଇ ତିମତିକେ ଆରି ଏପୁରାପଦିଡ୍‌କେ ଜାନାଇଦେଲାନି । ବିସ୍ତୃତୀମନ୍ ଜେଡ୍‌କି ସେମନ୍‌କେ ମାନିକରି ଜୁଆର୍ ଜାନାଇବାଇ ଆରି ତାକର୍ ଦାଇତେ ନାମିକରିରଇବାଇ ୨:୧୯-୩୦ ।

**ଏ ବଇ ବିଡ୍‌ରେ ରଇଲାଟା**

- ୧. ପିଲିପିୟ ମଣ୍ଡଳିକେ ପାଠଲ୍ ଜୁଆର୍ ଜାନାଇବାଟା । ୧:୧-୨
- ୨. ପାଠଲ୍‌ର କସ୍‌ଟ ପଡିରଇଲାଟା ଆରି ବାବ୍‌ବାଟା । ୧:୩-୨:୩୦

- ୩. ବିସ୍‌ବାସିମନ୍ କିରିସ୍‌ଟକେ ବିସ୍‌ବାସକରି ଜିଉନାକାଉନା କର୍‌ବାକେ ପାଉଲ୍ ତିଆରି ଆଚେ । ୩:୧-୪:୯
- ୪. ପାଉଲ୍ ଚାନ୍ଦାକରି ଦାନ୍ ଦେବାକେ ପିଲିପେ ରଇବା ମଣ୍ଡାଲିର୍ ବିସ୍‌ବାସିମନ୍‌କେ ଜୁଆର୍ ଆରି ଦନିଅବାଦ୍ ଜାନାଇଆଚେ । ୪:୧୦-୨୩

**ପାଉଲ୍‌ର ପାର୍‌ତନା**

୧ ✨ ଚିଟି ପାଉଲ୍ ଆରି ତିମତି, କିରିସ୍‌ଟ ଜିସୁର୍ ଦୁଇଟା ଗତିଦାଙ୍ଗଡାମନ୍ ଲେକ୍‌ଲୁନି ।

ଜିସୁକିରିସ୍‌ଟର୍ ଅଇକରି ପିଲିପି ନଅରେ ରଇବା ସବୁ ପରମେସରର୍ ଲକ୍‌ମନର୍‌ପାଇ ଏଟା ଲେକାଅଇଲା ଆଚେ । ତମର୍ ବିତ୍‌ରେ ନେତା ଅଇକରି ତମ୍‌କେ ସାଇଜ କର୍‌ବା ଲକ୍‌ମନର୍‌ପାଇ ମିସା ।

୨ ଆମର୍ ବାବା ପରମେସର୍ ଆରି ମାପୁରୁ ଜିସୁକିରିସ୍‌ଟ ତମ୍‌କେ ଜିବନ୍ ଦୁକାଇକରି ସାନ୍ତି ଦେଅ ।

**ପାଉଲ୍‌ର ପାର୍‌ତନା**

୩ ମୁଇ ତମ୍‌କେ ଜେଡ୍‌କିତର୍ ଏତାଇଲିନି, ସେଡ୍‌କିତର୍ ମର୍ ପରମେସର୍‌କେ ଦନିଅବାଦ୍ ଦେଇତେରଇବି । ୪ ପାର୍‌ତନା କଲାବେଲେ ସବୁତର୍ ତମର୍‌ପାଇ ସାର୍‌ଦାସଙ୍ଗ୍ ପାର୍‌ତନା କଲିନି । ୫ କାଇକେବଇଲେ ସୁବ୍‌କବର୍ ଜାନାଇବା କାମେ ତମେ ମର୍ ସଙ୍ଗ୍ ମିସିକରି ରଇଲାସ୍ । ବିସ୍‌ବାସ୍ କର୍‌ବା ପର୍‌ତୁମ୍ ଦିନେଅନି ଆଜିକେ ଜାକ ତମେ ମକେ ଏଟା କଲାସ୍‌ନି । ଆରି ଏବେ ମିସା କରି ଆଇଲାସ୍‌ନି । ୬ ପରମେସର୍ ଜେକି ତମର୍ ମନ୍ ବିତ୍‌ରେ କାମ୍ କର୍‌ବାକେ ଆରାମ୍‌କରିଆଚେ, ଜିସୁକିରିସ୍‌ଟ ବାଉଡିଆଇବା ଜାକ, ସେଟା କରି ସାରାଇସି । ୭ ତମେ ସବୁବେଲେ ମର୍ ମନ୍ ବିତ୍‌ରେ ଆଟାସ୍ । ତେବର୍‌ପାଇ ତମର୍ ବିସଇନେଇ କରି ଏନ୍ତାରି ବାବ୍‌ବାଟା ଟିକ୍ ସେ । ମୁଇ ବନ୍ଦି ନ ଅଇକରି ରଇଲାବେଲେ କି ଏବେ ବନ୍ଦି ରଇକରି ସୁବ୍‌କବର୍ ବିରୁଦେ ଦଦାପେଲା ଉଟ୍‌ଲାବେଲେ, ଏଟା ସଡ୍ ଆକା ବଲି ଡାବ୍‌ସଙ୍ଗ୍ ଦେକାଇବାଟାନେ ମିସା, ତମେ ସବୁ ମିସ୍‌ବାକେ ପରମେସର୍ ବେଲା ଟିକ୍ କରି ଦେଲାଆଚେ । ୮ ମୁଇ ତମ୍‌କେ ସବୁ

---

✨ ୧:୧ ୧:୧ ପେରିଡ୍ ୧୭:୧୨

ଲକ୍ଷ୍ମଣେ ଆରିତରେକ୍ ଦେକ୍‌ବି ବଲି ମନ୍ କଲିନି । ଏ ବିସଇତେଇ ନିଜେ ପର୍ଯ୍ୟେସର୍ ସାକିଆତେ । କାଇକେବଇଲେ ଜିସୁକିରିସ୍‌ଟ ଆଲାଦ୍ କଲାପାରା ମୁଇ ତମ୍‌କେ ଆଲାଦ୍ କଲିନି ।

<sup>୯</sup> ମୁଇ ତମ୍‌ପାଇ ଏନ୍ତାରି ପାର୍‌ତନା କଲିନି, ଜେନ୍ତାରିକି ତମେ ଆଲାଦ୍ କର୍‌ବାଟାନେ ଅଦିକ୍ ଅଦିକ୍ ବଡ଼ସା । ପର୍‌ମେସର୍ ଜେନ୍ତାରି ଆତେ, ସେ ବିସଇ ତମେ ଅଦିକ୍ ଅଦିକ୍ ଜାନ୍‌ସା ବଲି ମୁଇ ପାର୍‌ତନା କଲିନି । ଆରି ଜେତେବଲ୍ ମିସା କନ୍‌ଟା ସଡ଼ କନ୍‌ଟା ବୁଲ୍ ସେଟା ଜାନିପାର୍‌ସା । <sup>୧୦</sup> ସେନ୍ତାରିଆଲେ ଟିକ୍ ବିସଇ କନ୍‌ଟା ବଲି ବାଟିକରି କରାପାର୍‌ସା । ଆରି ଏବେଅନି କିରିସ୍‌ଟ ବାଉଡି ଆଇବାଜାକ ସବୁ ପାପେଅନି ମୁକ୍‌ଲିକରି କାଇ ଦସ୍ ନ ଅଇକରି ରଇପାର୍‌ସା । <sup>୧୧</sup> ଜେନ୍ତାରିକି ଗଟେକ୍ ପଲ୍ ଦେବା ଗର୍ ପଲ୍ ଦେଇସି, ସେନ୍ତାରିସେ ତମେ ମିସା ଜିସୁକିରିସ୍‌ଟର୍ ବପୁ ସଙ୍ଗ୍ ଦରମ୍ କାମର୍ ପଲ୍ ଦେଇସା । ଏଟା ପର୍‌ମେସର୍‌କେ ଡାକ୍‌ପୁଟା ଆରି ମଇମା କର୍‌ସି ।

**କିରିସ୍‌ଟ ଅଇଲାନି ଆମର୍ ଜିବନ୍**

<sup>୧୨</sup> ଏ ବାଇବଇନିମନ୍, ତମେ ଜାନ୍‌ବାର୍ ଆତେ କି କିରିସ୍‌ଟର୍‌ପାଇ ମର୍ ଜିବନେ ଜେଡ଼କି ଗଟିଆତେ, ତାର୍‌ଲାଗି ଅଦିକ୍ ଲକ୍ ସୁବ୍‌କବର୍ ବିସ୍‌ବାସ୍ କର୍‌ବାକେ ଗଟେକ୍ ବାଟ୍ ଆଇଲା । <sup>୧୩</sup> ✨ଜେଡ଼ିକି, ସମ୍‌ରାଟର୍ ମେତେ ଜେଡ଼କି ସଇନ ଜାଗିଆତଡ଼, ସେମନ୍ ସବୁ ମୁଇ କିରିସ୍‌ଟକେ ସେବା କଲାର୍ ପାଇ ବନ୍ଦିଗରେ ଆଟିବଲି ଜାନ୍‌ଲାଇ । <sup>୧୪</sup> ମୁଇ ବନ୍ଦିଗରେ ରଇଲାର୍‌ପାଇ, ଇଡି ରଇବା କେତେକ୍ କେତେକ୍ ବିସ୍‌ବାସି ବାଇବଇନିମନ୍‌କେ ମାପୁରୁ ବପୁ ଦେଲାଆତେ । ପର୍‌ମେସର୍‌ରୁ ବାକିଅ ନ ଡର୍‌ତେ ଜାନାଇବାକେ ସେମନ୍‌କେ ଏବେ ସାଆସ୍ ଆତେ ।

<sup>୧୫</sup> ଅଇଲେ ମିସା ସେମନ୍‌ର ବିଡ଼ରେ ଅନି କେତେଲକ୍ ମକେ ଆଁକାର୍ କଲାର୍‌ପାଇ କିରିସ୍‌ଟର୍ ବିସଇ ଜାନାଇବାକେ ମନ୍ କଲାଇନି । ସେମନ୍ ମର୍‌ଟାନେଅନି ବଡ଼ ବଲି ଦେକାଇଅଇବାକେ ଏନ୍ତ୍ର କଲାଇନି । ମାତର୍ ଆରି କେତେକ୍ ଲକ୍ ଏଟା ସଡ଼ ବଲି ମନେବାବିକରି କଲାଇନି । <sup>୧୬</sup> ଏ ଲକ୍‌ମନ୍ ମକେ ଆଲାଦ୍ କଲାର୍ ପାଇ ସୁବ୍‌କବର୍ ଜାନାଇଲାଇନି । କିରିସ୍‌ଟର୍ ସୁବ୍‌କବର୍

---

✨ ୧:୧୩ ୧:୧୩ ପେରିଡ଼ ୨୮:୩୦

ଦେକାରକା କରବାକେ ପରମେସରସେ ମକେ ଏ ବନ୍ଦିଗରେ ସଙ୍ଗିଆଚେ ବଲି ଜାନିକରି ମିସା ।<sup>୧୭</sup> ମାତର୍ ଜନ୍ ଲକ୍ମନ୍ ମକେ ଆଁକାର କଲାଇନି, ମର୍ଟାନେଅନି ବଡ଼ ଅଇବୁ ବଲିକରି, କିରିସ୍ଟର୍ ସୁବ୍‌କବର୍ ଜାନାଇଲାଇନି । ତାକର୍ ମନେ ଏଟା ସତ୍‌ବଲି ବାବିକରି କରଡ଼ନାଇ । ମୁଇ ବନ୍ଦି ଗରେ ରଇକରି ଜେଡ଼କି କସ୍ଟ ମୁରଟ୍‌ଲିନି, ତାର୍‌ତେଇଅନି ଅଦିକ୍ କସ୍ଟ ମିସାଇବାକେ କୁଟ୍ ପାଁରଲାଇନି ।

<sup>୧୮</sup> ମାତର୍ ଏଟା ମର୍ପାଇ କାଇଟା ନାଇ । ସେମନ୍ ସତଇସେ କଲେ କି ବୁଲ୍ କାମର୍ ପାଇ କଲେ ମିସା, କିରିସ୍ଟର୍ ବିସଇର୍ କବର୍ ଜାନାଇ ଅଇଲେ, ସେଟା ମୁକିଅ ବିସଇ । ଆରି ସେଟାର୍‌ପାଇ ମୁଇ ସାର୍‌ଦା ସଙ୍ଗ୍ ରଇବି ।<sup>୧୯</sup> ଆରି ମୁଇ ସାର୍‌ଦା ଅଇତେରଇବି । କାଇକେବଇଲେ ତମେ ମର୍ପାଇ ପାର୍‌ତନା କଲାସ୍‌ନି ବଲି ମୁଇ ଜାନି । ଆରି ଜିସୁକିରିସ୍ଟର୍ ସୁକଲ୍ ଆଡ଼ମାର୍ ସାଇଜରଲାଗି ପରମେସର୍ ମକେ ମୁକ୍‌ଲାଇସି ।<sup>୨୦</sup> ମୁଇ ଦିଆନ୍ ଦେଇ ଆରି ଆସା କରି ଜାଗ୍‌ଲିନି । ମୁଇ ଜିବନ୍ ରଇଲେ କି ମର୍ବାକେ ଅଇଲେ ମିସା ମର୍ କାମ୍‌ଟାନେ ଏଲା ନ କରି । ମାତର୍ ଅଦିକାର୍ ସଙ୍ଗ୍ ରଇବା ଲକ୍ମନ୍‌ର୍ ମୁଆଟେ କାତା ଅଇବାକେ ମକେ ଅଦିକ୍ ସାଆସ୍ ଆଇସି । ଏନ୍ତାରିକରି ମୁଇ ଜେଡ଼କି କାମ୍ କଲିନି, କିରିସ୍ଟକେ ଡାକ୍‌ପୁଟା କରାଇବି ।<sup>୨୧</sup> କାଇକେବଇଲେ ମର୍ପାଇ ଜିଇବା କାଇବାଟା ସବୁ କିରିସ୍ଟସେ । ଆରି ମର୍ ଇସାବେ, କିରିସ୍ଟର୍‌ଟାନେ ରଇକରି ମର୍ବାଟା ବେସି ନିକ ।<sup>୨୨</sup> ମୁଇ ଜିଇରଇଲେ, କିରିସ୍ଟର୍‌ପାଇ ନିକ ସଙ୍ଗ୍ କାମ୍ କରିଅଇସି । ମାତର୍ ମଲେ ନିକ କି ଜିଇରଇଲେ ନିକ ବଲି ଜାନି ନାପାର୍‌ଲିନି ।<sup>୨୩</sup> ଏ ଦୁଇଟା ବିଡ଼ରେ କାଇଟା କର୍‌ବି ବଲି ଜିକାଟାନା ଅଇଲିନି । ଏ ଜିବନ୍ ଚାଡ଼ି ସର୍‌ଗେ କିରିସ୍ଟର୍ ସଙ୍ଗ୍ ରଇବାକେ ମୁଇ ମନ୍ କଲିନି । କାଇକେବଇଲେ ସେଟା ଅଦିକ୍ ନିକ ।<sup>୨୪</sup> ମାତର୍ ତମର୍‌ପାଇ ମୁଇ ଜିଇକରି ରଇବାଟା ବେସି ମୁକିଅ ବିସଇ ।<sup>୨୫</sup> ଏ ବିସଇ ମୁଇ ଡାଁଟ୍ ସଙ୍ଗ୍ ଜାନିଲିନି । ତେବର୍‌ପାଇ ମୁଇ ଜିଇକରି ରଇବି ଜେନ୍ତାରିକି, ତମେ ବିସ୍‌ବାସେ ଡାଁଟ୍ ଅଇସା ଆରି ବିସ୍‌ବାସ୍ କଲାର୍‌ପାଇ ସାର୍‌ଦା ଅଇସା ।<sup>୨୬</sup> ସେନ୍ତାଆଲେ, ମୁଇ ତମର୍ ସଙ୍ଗ୍ ଆରିତରେକ୍ ମିସବାବେଲେ, ଜିସୁକିରିସ୍ଟର୍ ସଙ୍ଗ୍ ମିସ୍‌ଲାର୍‌ପାଇ ତମେ ମର୍ ବିସଇନେଇ ବଡ଼ପନ୍ ଅଇସା ।

୨୭ ସବୁରଟାନେଅନି ମୁକିଅ ବିସଇ ଅଇଲାନି ଏଟା । କିରିସ୍ଟର୍ ସୁବ୍ କବର୍ ବିସ୍ବାସ୍ କର୍ବା ଲକ୍ମନ୍ କେନ୍ତାରି ଚଲାଚଲ୍ତି କର୍ବାଆଟେ, ତମେ ସେନ୍ତାରି କରା । ମୁଇ ତମ୍ବକେ ଦେକ୍ବାର୍ ଆଇଲେମିସା, କି ତମ୍ବଟାନେଅନି ଦୁରିକେ ରଇ ଅବ୍କା ସୁନିପାରଲେ ମିସା ଏନ୍ତାରି ଜିଇତେରୁଆ । ଏଟାରଲାଗି ତମେ ସବୁ ଗଟେକ୍ ମନ୍ ଅଇ ମିସିଆଟାସ୍ ବଲି ମୁଇ ଜାନିପାର୍ବି । ଜନ୍ ଲକ୍ମନ୍ ସୁବ୍ କବରର୍ ବିରୁଦେ ଦଦାପେଲା କଲାଜନି, ତାକର୍ ମୁଆଟେ କିରିସ୍ଟର୍ ସୁବ୍କବର୍ ଦେକାରକା କର୍ବାକେ ତମେ ସବୁ ଗଟେକ୍ ଅଇ ଟିଆଅଇଲାସନି ବଲି ମୁଇ ଜାନ୍ବି । ୨୮ ଜନ୍ ଲକ୍ମନ୍ ତମର୍ ବିରଦେ ଆଇଲାଜନି, ସେମନ୍କେ ଡରା ନାଇ । ତମେ ସାଆସ୍ ଦାରିରଇଲେ, ପର୍ମେସର୍ ସେମନ୍କେ କୁରୁପ୍ନାସ୍ କରି ତମ୍ବକେ ରକିଆ କର୍ସି ବଲି ଜାନ୍ବାଇ । ଏ ସବୁ ବିସଇ ପର୍ମେସର୍ସେ କର୍ସି । ୨୯ କାଇକେବଇଲେ ପର୍ମେସର୍ ତମ୍ବକେ କିରିସ୍ଟକେ ଅବ୍କା ବିସ୍ବାସ୍ କର୍ବା ଦାନ୍ ଦେଏନାଇ, ମାତର୍ ତାର୍ପାଇ ଦୁକ୍ କସ୍ଟ ପାଇକରି ରଇବା ଦାନ୍ ମିସା ଦେଲାଆଟେ । ୩୦ ✨ତମର୍ ବିରୁଦେ ଆଇବା ଲକ୍ମନ୍ର୍ ସଙ୍ଗ୍ ଜନ୍ ଜୁଇଦେ ତମେ ରଇଲାସ୍, ସେନ୍ତାରିସେ ଗଟେକ୍ ଜୁଇଦେ ମୁଇ ମିସା ପିଲିପ୍ତେଇ ରଇଲାବେଲେ ଅଇଲାଟା ତମେ ଦେକିଆଟାସ୍ । ଆରି ଏବେ ମିସା ସେ ଜୁଇଦେ ମୁଇ ଆଟି ବଲି ତମେ ସୁନି ଆଇଲାସନି ।

## ୨

### କିରିସ୍ଟର୍ ଦରମ୍ ଆରି ଡାକ୍ପୁଟା

୧ ଜଦି କିରିସ୍ଟର୍ ସଙ୍ଗ୍ ମିସ୍ଲାର୍ ପାଇ ତମର୍ ମନ୍ ସାର୍ଦା ଅଇଲାଆଟେ, ଆରି ତାର୍ ଆଲାଦର୍ ଲାଗି ସାନ୍ତି ପାଇଆଟାସ୍, ଜଦି ସୁକଲ୍ଆଡ଼ମାର୍ ସଙ୍ଗ୍ ମିସିବିଡିକରି ଆଟାସ୍, ଆରି ଜଦି କିରିସ୍ଟ ତମ୍ବକେ ଜିବନ୍ ଦୁକାଇ ଦୟା ଦେକାଇଆଟେ, ୨ ସେନ୍ତାଆଲେ, ମୁଇ ତମ୍ବକେ ଜୁଆର୍ କରି କଇଲିନି, ତମର୍ ତମର୍ ବିତ୍ତରେ ଗଟେକ୍ ମନ୍ ଉଆ । ଗଟେକ୍ ଲକ୍ ଆରି ଗଟେକ୍ ଲକ୍କେ ସମାନ୍ ଇସାବେ ଆଲାଦ୍ କରା । ଗଟେକ୍ ଚିନ୍ତା କରା ଆରି ତମର୍ ଆଡ଼ମାଇ

ଗଟେକ୍ ଅଇକରି ତମର୍ ବାବ୍‌ବାଟା ଗଟେକ୍ ଅ । ଏନ୍ତାରି କରି ମକେ ପୁରାପୁରୁନ୍ ସାରଦା କରାଆ । ୩ ବିନ୍ ଲକ୍‌ମନର୍ ଟାନେଅନି ନିଜେ ବଡ଼ ଅଇବାକେ ଚେସ୍‌ଟା କରାନାଇ । ଅବ୍‌କା ବଡ଼ପନ୍ କାତା କଇବାକେ କାଇ ବିସଇ ମିସା କରାନାଇ । ତାର୍ ବାଦୁଲେ ନିଜ୍‌କେ ସାନ୍ କରା । ବିନ୍ ଲକ୍‌ର ଟାନେଅନି, ନିଜେ ମୁଇ ବଡ଼ ବଲି ବାବାନାଇ । ୪ ମର୍ ନିଜର୍‌ପାଇ କାଇଟାକଲେ ଅଦିକ୍ ନିକ ରଇସି ବଲି ଅବ୍‌କା ସେଟାସେ ବାବି ବାବି ରୁଆନାଇ । ବିନ୍ ଲକ୍‌ରପାଇ ଜନ୍ ବିସଇ ନିକ ରଇସି, ସେଟାମିସା ଏତାଇରୁଆ । ୫ କିରିସ୍‌ଟ ଜିସୁର୍ ମନ୍ ଜେନ୍ତି ରଇଲା, ତମର୍ ମନ୍‌ମିସା ସେ ରକାମ୍ ଅ ।

୬ ସେ ପର୍‌ମେସରର୍ ପାରା ସବୁ ରକାମ୍ ରଇଲେ ମିସା, ତାର୍ ସଙ୍ଗ୍ ସମାନଅଇ ରଇବା ଅଦିକାର୍ ନିଜର୍‌ପାଇ ଦାରିକରି ରଇବି ବଲି ମନ୍ କରେ ନାଇ ।

୭ ତାର୍ ବାଦୁଲେ ସେ ନିଜେ ମନ୍‌କରି, ତାକେ ରଇଲା ସବୁଟା ଚାଡ଼ିଦେଇ ଗଟେକ୍ ଗଡ଼ିଦାଙ୍ଗ୍‌ତାର୍ ରୁପ୍ ଦାରିଆଇଲା । ନର୍ ଲକ୍ ପାରା ଅଇକରି ନର୍ ଲକ୍‌ର ବାନିମ୍‌ରୁଟି ଦାରି ଜାଡ଼ିଅଇଲା ।

୮ ନର୍‌ଲକ୍ ପାରା ଅଇ ଆଇଲାପଟେ, ସେ ପର୍‌ମେସରର୍ ଆଦେସ୍ ମାନିକରି, ନିଜ୍‌କେ ଆରି ଅଦିକ୍ ସାନ୍‌କଲା । ଲକ୍‌ମନ୍ ମରାଅଡ଼ବଲି ସର୍‌ପାଇଅଇଲା । ଅବ୍‌କା ମର୍‌ବାକେ ନାଇ, ମାତର୍ କୁରୁସ୍ କାଟେ କୁଟିମାରାଇଅଇ ଚଗାଇଅଇବାକେ ମିସା ।

୯ ତେବର୍‌ପାଇ ପର୍‌ମେସର୍ ତାକେ ସବୁଟେଇଅନି ଉପ୍‌ରେ ଉଟାଇଲା । ଆରି ସବୁର୍ ନାଉଁଟାନେଅନି ଅଦିକ୍ ଡାକ୍‌ପୁଟା ଆରି ଅଦିକାର୍ ରଇବା ନାଉଁ ତାକେ ଦେଲା ।

୧୦ ଜେନ୍ତିକି ସରଗ୍‌ପୁରେ, ମର୍‌ପୁରେ ଆରି ପାତାଲେ ରଇବା ସବୁ, ଜିସୁକେ ମାଣ୍ଟିକୁଟା ଦେଇ ଜୁଆର୍ କର୍‌ବାଇ । ସେଟାପାଇ ପର୍‌ମେସର୍ ଏ ସବୁ କଲାଆଟେ ।

୧୧ ଆରି ସବୁ ଲକ୍ ଜିସୁକିରିସ୍‌ଟେ ମାପୁରୁ ବଲି ମାନିଅଇବାଇ । ଏନ୍ତାରି ଅଇଲେ ବାବା ପର୍‌ମେସର୍ ଡାକ୍‌ପୁଟା ପାଇସି ।

**ପୁରୁତିବିତେଇ ଉଜଲ୍‌ଅଇ ରୁଆ**

୧୨ ତେବର୍ ପାଇ, ଏ ମର୍ ଆଲାଦର୍ ମଇତର୍‌ମନ୍, ତମେ ଜେନ୍ତାରିକି, ମାପୁରୁର୍ ଆଦେସ୍ ମାନିକରି ରଇଆଟାସ୍, ଜାଗିରଇ ଡରିକରି ତମର୍ ମୁକ୍‌ତିର୍ କାମ୍ ପୁରାପୁରୁନ୍ କରା । ମୁଇ

ରଇଲାବେଳେସେ ନାଇ, ମାତର ମୁଇ ଦୁରିକେ ରଇଲେ ମିସା ଏଟା କରା । ୧୩ ପରମେସର ନିଜେ ତମର ବିତ୍ତରେ ଏ କାମ୍ କଲାପାଇ ତମେ ଏଟା କରିପାରସା । ତମ୍ଭେ ଜାଇଟା କରତ୍ତ ବଲି ସେ ମନ୍ କଲାନି, ସେ ସମାନ୍ ମନ୍ କରବାଟା, ତମ୍ଭେ ମିସା ଦେଇସି । ଆରି ସେଟା କରବାକେ ବପୁ ମିସା ଦେଇସି ।

୧୪ ମୁରମୁରା ଆରି କିରଜାଟି ନ ଅଇକରି ସବୁ ଲକ୍‌ଜାକ କାମ୍ କରା । ୧୪ ଏନ୍ତାରିକଲେ, ତମେ କାରାପ୍ କାମ୍ କଲାସ୍‌ନି ବଲି ବିନ୍‌ଲକ୍ କାଇ ଦସ୍ ନ ଦାରତ୍ତ ଆରି ତମେ ସୁକଲ୍ ଅଇସା । ପାପକରି କାରାପ୍ କାମ୍ କରବା ଲକ୍‌ମନର୍ ମଜାଇ ପରମେସରର୍ ସିଦ୍ ପିଲାଟକି ଇସାବେ ତମେ ରଇସା । ତାକର୍ ବିତ୍ତରେ ଆନ୍ଦାର୍ ଜଗତେ ଉଲ୍ଲ ଜଟକଲା ପାରା ତମର୍ ଚଲାଚଲ୍ତି ତ୍ତିସ୍‌ସି । ୧୬ ନ ସାର୍‌ବା ଜିବନର୍ କବର୍ ସବୁ ଲକ୍‌କେ ଜାନାଆ । ଏନ୍ତାରିକଲେ, କିରିସ୍‌ଟ ବାଅଡ୍‌ବା ଦିନେ ମୁଇ ତମର୍ ବିସଇର୍ ଲାଗି ବଡ୍‌ପନ୍ ଅଇବି । ତମର୍ ବିତ୍ତରେ ଆବଡ୍ ଅଇକରି କିରିରଇବା କାମ୍ ରୁଟାଇ ଅଏ ନାଇ ବଲି ସେ ଦିନେ ତ୍ତିସ୍‌ସି ।

୧୭ ସୁବକବର୍ ବିସ୍‌ବାସ୍ କଲାପାଇ, ତମେ ଜେନ୍ତାରି ଦୁକ୍ କସ୍‌ଟ ପାଇକରି ମୁରଚ୍‌ଲାସ୍‌ନି, ସେନ୍ତାରିସେ ମୁଇ ମିସା ସୁବକବର୍ ଜାନାଇଲାର୍ ପାଇ ଦୁକ୍ କସ୍‌ଟ ପାଇକରି ମରିମିସା ଜିବି । ସେନ୍ତାରିଅଇଲେ ମିସା ମୁଇ ନିଜେ ସାର୍‌ଦା ଅଇ ତମର୍‌ସଙ୍ଗ୍ ସାର୍‌ଦା କରବି । ୧୮ ସେନ୍ତାରିସେ ତମେମିସା ସାର୍‌ଦା ଅଇକରି ମର୍‌ସଙ୍ଗ୍ ସାର୍‌ଦା କରବାଟ୍ ଆଟେ ।

### ତିମତି ଆରି ଏପାପର୍‌ଦିତ୍

୧୯ ଜଦି ମାପୁରୁ ମନ୍‌କଲେ, ତିମତିକେ ତମର୍‌ଟାନେ ଦାପ୍‌ରେ ପାଟାଇବାକେ ମନ୍ କଲିନି । ତାର୍‌ଟାନେଅନି ତମେ ନିକ ଆଟାସ୍ ବଲି ସୁନ୍‌ଲେ, ମୁଇ ମିସା ସାର୍‌ଦା ଅଇବି । ୨୦ ତିମତିକେ ଚାଡିଦେଲେ ଆରି ତମର୍ ବିସଇ କେ ମିସା, ଅଦିକ୍ ଚିନ୍ତା କରବା ଲକ୍ ମର୍ ଲଗେ ନାଇ । ସେ ତମର୍ ଦୁକ୍ ସୁକ୍ ବିସଇନେଇ ସତଇସେ ଚିନ୍ତା କରସି । ୨୧ ମୁଇ କାଇକେ ଏନ୍ତାରି କଇଲିନି ବଇଲେ, ସବୁ ଲକ୍ ନିଜର୍ ନିଜର୍ ମନ୍ କଲାଟା ପୁରାପୁରୁନ୍ କରବାକେ ମନ୍ କରବାଇ । ଜିସୁକିରିସ୍‌ଟ ମନ୍ କଲାଟା ପୁରାପୁରୁନ୍ କରବାକେ ମନ୍ କରତ୍

ନାହିଁ । ୨୨ ତମେତା ଜାଣିଆରାସ୍, ତିମତି ନିଜ୍ଜକେ ସତ୍‌ବାବେ କାମ୍ କରବା ଲକ୍ ପାରା ଦେକାଇଅଇଆତେ । ସେ ଜେଣ୍ଡିକି ଗଟେକ୍ ପଅ, ତାର୍ ବାବା ସଙ୍ଗ୍ ସେବା କରସି, ସେନ୍ତାରିସେ ସେ ମରସଙ୍ଗ୍ ସୁବକବର୍ ଜାନାଇବା କାମେ ମିସିଆତେ । ୨୩ ତେବର୍ ପାଇ, ମକେ କାଇଟା ଗର୍ସି, ସେଟା ଜାନ୍‌ଲା ଦାପ୍‌ରେ, ତାକେ ତମର୍ ଲଗେ ପିଲିପିତେଇ ପାଟାଇବି ବଲିକରି ଆସା କଲିନି । ୨୪ ମୁଇ ମାପ୍‌ରୁର୍ ଲଗେ ବିସବାସ୍ କଲିନିଜେ, ମୁଇ ନିଜେ ମିସା ଦାପ୍‌ରେ ତମ୍‌କେ ଦେକ୍‌ବାକେ ଆଇବି ।

୨୫ ମାତର୍ ଆମର୍ ବାଇ ଏପାପର୍‌ଦିତକେ ତମର୍‌ଗାନେ ପାଟାଇବି ବଲି ମୁ ମନେ ମନେ ବାବ୍‌ଲିନି । ସେ ମର୍ ସଙ୍ଗ୍ କାମ୍ କରି ସୁବକବର୍‌ର ଦେକାରକା ପାଇ ଆବଡ୍ କଲା । ତମର୍ ବାଦୁଲେ ମର୍ ସବୁ ବିସଇ ପୁରାପୁରୁନ୍ କରବାକେ ତାକେ ତମେ ପାଟାଇରଇଲାସ୍ । ୨୬ କାଇକେ ବଇଲେ ସେ ତମ୍‌କେ ଦେକ୍‌ବାକେ ବେସି ମନ୍ କଲାନି । ଆରି ତାକେ ବେମାର୍ ଦାରାଇ ଅଇଆତେ ବଲିକରି ତମେ ସୁନିକରି ଦାନ୍ଦାପାନ୍ଦା ଅଇରଇଲାସ୍ ବଲି ସେ ଜାନିରଇଲା । ୨୭ ଓଁ, ସେ ମର୍‌ବା ଉପ୍‌ରେ ରଇଲା । ଆରି ପର୍‌ମେସର୍ ତାକେ ଦୟାକଲା । ଅବକା ତାକେସେ ନାହିଁ, ମାତର୍ ଜେଣ୍ଡିକି ମର୍‌ପାଇ ଦୁକ୍‌ଉପ୍‌ରେ ଦୁକ୍ ନ ଆସ ବଲି ମକେ ମିସା ଦୟାକଲା । ୨୮ ତେବର୍‌ପାଇ ମୁଇ ତାକେ ଆରିତରେକ୍ ବେସି ସାର୍‌ଦା ସଙ୍ଗ୍ ପାଟାଇଲିନି । ଜେଣ୍ଡିକି ତମେ ତାକେ ଆରିତରେକ୍ ଦେକି ସାର୍‌ଦା ଅଇସା ଆରି ମୁଇ ମିସା ଦୁକ୍ ନ କରି । ୨୯ ତେବର୍‌ପାଇ ତାକେ ଗଟେକ୍ ବିସବାସି ବାଇ ଇସାବେ ସାର୍‌ଦା ସଙ୍ଗ୍ ଡାକିନିଆ । ତାର୍‌ପାରା ଲକ୍‌ମନ୍‌କେ ସନ୍‌ମାନ୍ ଦିଆସ୍ । ୩୦ କାଇକେବଇଲେ କିରିସ୍‌ଟର୍ ଲାଗି ବଲିକରି ସେ ତାର୍ ଜିବନ୍ ବିପଦେ ପାକାଇଲା । ଆରି ତମେ ମର୍‌ଲାଗି ବଲିକରି ସେବାକାମେ ଜାଇଟାସବୁ ଉନା ଅଇଲାଆତେ, ସେଟା ସବୁଜାକ ସେ ପୁରାପୁରୁନ୍ କଲା ।

## ୩

### ସତ୍‌ବାବ୍‌ରେ ଦରମ୍‌କରୁ

୧ ସାରାସାରି ପତେ ଏ ମର୍ ବାଇବଇନିମନ୍, ମୁଇ ତମ୍‌କେ ଆଗ୍ରୁ କଇଲାଟା ଆରିତରେକ୍ କଇବାକେ ମକେ ବିଜାର୍ ଲାଗେନାହିଁ । କାଇକେବଇଲେ ସେନ୍ତାରି କଲେ ବୁଲ୍ ବିସଇ



ସିକାଉମନରଟାନେଅନି ତମେ ଜାଗରତ୍ ଅଇରଇସା ।  
 ୨ କୁକୁରମନର ପାରା ରଇବା ସେନ୍ତାରି ଲକ୍ମନର ଟାନେଅନି  
 ଜାଗରତା ରୁଆ । କାଇକେବଇଲେ ସେମନ୍ କାରାପ୍ ବିସଇ  
 କଲାଇନି । ବିସ୍‌ବାସି ଅଇବା ମନସ୍ ପିଲାମନ୍ ସବୁ ସୁନତ୍  
 ଅଇବାର୍ ଆଟେ ବଲି କଇଲାଇନି । ୩ କାଇକେ ବଇଲେ ଆମେସେ  
 ସତଇସେ ପରମେସରର ଲକ୍ । ଆମେସେ ସୁକଲ୍‌ଆଡ଼ମାର୍ ସାଇଜ  
 ସଙ୍ଗ୍ ପରମେସରକେ ଜୁଆର କଲୁନି । ଆମେ ଜିସୁ କିରିସ୍‌ଟକେ  
 ତାକ୍‌ପୁଟା କଲୁନି । ଆମର ନିଜର ରିତିନିତି ସେ ମୁକିଅ ବଲି  
 ଚଲୁନାଇ । ୪ ମୁଇତା ଆମର ରିତିନିତି ଇସାବେ ଚାଲ୍‌ବାକେ  
 ଅଦିକ୍ ମନ୍ କର୍ତ୍ତି । ଜଦି କେଆଲେ ବିନ୍ ଲକ୍ ରିତିନିତିକେ ଆସା  
 କରବାଇ, ସେନ୍ତାରିଆଲେ ସେମନରତେଇଅନି ମୁଇ ଅଦିକ୍ କର୍ତ୍ତି ।  
 ୫ \*ପରମେସର ଆମର ଆନିଦାଦିମନ୍‌କେ ତିଆରଲାପାରା ଗଟେକ୍  
 ଆର୍ ଅଇଲାକେ ମକେ ସୁନତ୍ କରିରଇଲାଇ । ମୁଇ ଗଟେକ୍  
 ଇସରାଏଲର ଲକ୍ । ଦେକ୍‌ବାକେ ଗାଲେ ମୁଇ ବେନ୍‌ଜାମିନ୍  
 କୁଟୁମର ଲକ୍ । ମୁଇ ଗଟେକ୍ ଏବ୍‌ରିଅ ଆରି ଆମର ଆନିଦାଦିମନ୍  
 ମିସା ଏବ୍‌ରିଅ ରଇଲାଇ । ମସାର ରିତିନିତି ମାନବାକେ ଗଟେକ୍  
 ପାରୁସି ପାରା ରଇଲି । ୬ \*ପରମେସର ମନକଲାଟା ପୁରାପୁରୁନ୍  
 କରବାକେ ମୁଇ ବେସି ମନ୍ କଲି ଆରି ସେନ୍ତାରି କରୁ କରୁ ଜିସୁର୍  
 ସିସ୍‌ମନକେ କସ୍‌ଟ ଦେଲି । ଆମର ଜିଉଦି ନିୟ୍‌ମ୍ ସବୁ ପୁରାପୁରୁନ୍  
 ମାନଲାର୍ ପାଇ ଜଦି ଗଟେକ୍ ଲକ୍ ଦରମ୍ ଅଇପାରତା ବଇଲେ,  
 ମୁଇ ସେନ୍ତାରି ଅଇତି । କାଇକେବଇଲେ ମୁଇ ସେ ସବୁ ନିୟ୍‌ମ୍  
 ମାନତେରଇଲି । ୭ ମାତର ଆଗେ ମୁଇ ଜେଡ୍‌କି ସବୁ ବିସଇ  
 ବେସି ମୁଲିଅ ଆଟେବଲି ବାବ୍‌ତେରଇଲି, ଏବେ କିରିସ୍‌ଟର୍ ସଙ୍ଗ୍  
 ମିସ୍‌ଲାର୍ ପାଇ ସେଟାମନ୍ ସବୁ ତୁଚାଇସେ ବଲି ଜାନଲିନି ।  
 ୮ ସେଡ୍‌କିସେ ନ୍ୟୁ ଆଗତ୍ତୁ ଜେଡ୍‌କି ସବୁ ବିସଇ ପରମେସରକେ  
 ସାର୍‌ଦା କରାଇବାକେ କର୍ତ୍ତେରଇଲି, ଜିସୁ କିରିସ୍‌ଟକେ ମର୍  
 ମାପୁରୁ ବଲି ମାନଲାତେଇଅନି, ସେଟା ତୁଚାଇସେ ବଲି ଜାନଲିନି  
 । ତାର୍‌ପାଇ ମୁଇ ସବୁ ବିସଇ ଚାଡିଦେଲିଆତି । କିରିସ୍‌ଟର୍  
 ସିସ୍ ଅଇବି ବଲିକରି ସେଟାମନ୍ ତୁଚାଇସେ ବଲି ଏଡ୍‌କଲିନି ।

✠ ୩:୫ ୩:୫ ରମିୟ ୧୧:୧; ପେରିଡ୍ ୨୩:୬; ୨୬:୫  
 ୮:୩; ୨୨:୪; ୨୬:୯-୧୧

✠ ୩:୬ ୩:୬ ପେରିଡ୍

୯ ଜେନ୍ତାରି କି ମୁଇ ତାର ସଙ୍ଗ ପୁରାପୁରୁନ୍ ମିସିରଇବି । ରିଡିନିତି ମାନିକରି ପରମେସରର୍ ମୁଆଟେ ଦରମ୍ ଲକ୍ ଅଇବି ବଲି ଚେସଟା କରତେରଇଲି, ଏବେ ସେଟା ସବୁ ଚାଡ଼ିଦେଲି । ତାର ବାଦୁଲେ କିରିସଟକେ ବିସ୍‌ବାସ୍ କଲାଟପାଇ ପରମେସର ମକେ ଦରମ୍ ଲକ୍ ଇସାବେ ଦେକ୍‌ଲାନି । ୧୦ ମୁଇ କିରିସଟକେ ଜାନ୍‌ବି ବଲି ମନ୍ କଲିନି । ଆରି ପରମେସର ତାକେ ଜନ୍ ବପୁସଙ୍ଗ ମଲାତେଇଅନି ଉଟାଇଲା, ସେ ବପୁ ମୁଇ ମର୍ ଜିବନେ ମିଲାଇବି ବଲି ଆସା କଲିନି । ସେ ଜେନ୍ତାରି ମର୍ପାଇ ଦୁକ୍ କସଟ ପାଇଲା, ସେନ୍ତାରିସେ ମୁଇମିସା ତାରପାଇ ଦୁକ୍ କସଟ ପାଇବି ଆରି ତାର ମରନେ ମିସ୍‌ବି । ୧୧ ସେନ୍ତାରି ପରମେସର ଜେଡ଼କି ଲକ୍‌କେ ମଲାତେଇଅନି ଜିବନ୍ କରି ଉଟାଇସି, ସେମନର୍ ବିଡ଼ରେଅନି ମୁଇ ଗଟେକ୍ ଲକ୍ ଅଇବି ।

**ପୁରୁସ୍କାର୍ ପାଇବାକେ ପାଲାଇଲିନି**

୧୨ ଏ ସବୁ ବିସଇ ମୁଇ କରିସାରାଇ ଆଟି ବଲି କଇନାଇ । ପରମେସର ମକେ ସିଦ୍ କରି ସାରାଇଆଟେ ବଲି ମିସା ମୁଇ କଇନାଇ । ମାତର୍, କିରିସଟର୍ ପାରା ଅଇବାକେ ମୁଇ ବେସି ଚେସଟା କଲିନି । ସେଟାରପାଇ କିରିସଟ ମକେ ବାଟ୍‌ଲା ଆଟେ । ୧୩ ନାଇ, ମର୍ ବାଇବଇନିମନ୍, ଏ ସବୁଜାକ କରିସାରାଇଆଟି ବଲି ମୁଇ କଇନାଇ । ମାତର୍ ଅଦିକ୍ ଗଟେକ୍ ମୁକିଅ ରଇବା ବିସଇ ମୁଇ କଲିନି, । ଜେଡ଼କି ସବୁ ବିସଇ ଅଇସାର୍‌ଲା ଆଟେ, ସେଟା ସବୁ ପାସ୍‌ରି ଚାଡ଼ିଦେଇକରି କିରିସଟ ଜନ୍ ରକାମ୍ ମକେ ଅଇବାର୍‌ଆଟେ ବଲି ମନ୍ କଲାନି, ସେନ୍ତାରି ଅଇବାକେ ମୁଇ ଚେସଟା କଲିନି । ୧୪ ମର୍ ସାରାସାରି ଜାଗାଇ କେଟ୍‌ବା ଜାକ ଆଗତୁ ଆଗତୁ ଗାଲିନି । ଜେନ୍ତକି ମୁଇ ସର୍‌ଗେ ପୁରୁସ୍କାର୍ ପାଇବି । ଜିସୁକିରିସଟ ମର୍ପାଇ ଜେଡ଼କି ବିସଇ କଲାଆଟେ, ସେଟାରପାଇ ସେ ପୁରୁସ୍କାର୍ ମୁଇ ସର୍‌ଗେ ପାଇବି ।

୧୫ ସେନ୍ତାରିଆଲେ ଆସା, ଆମେ ଜେଡ଼କି ଲକ୍ ସୁକଲ୍ ଅଇଆରୁ, ଏ ରକାମ୍ ବିସଇ ସମାନ୍ ଇସାବେ ଚିନ୍ତା କରତେରଉଁ । ଆରି ଜଦି ଏ ସବୁ ବିସଇରପାଇ ତମେ ମର୍ ସଙ୍ଗ ରାଜି ଉଆସନାଇ, ଟିକ୍ ସଙ୍ଗ ଚିନ୍ତା କରବାକେ ପରମେସର ତମକେ ସାଇଜ କରସି । ୧୬ କେନ୍ତ୍ର ମିସା

ପରମେସର୍ ଜେଡ଼କି ବିସଇ ସବୁ ଆମ୍ଭକେ ଦେକାଇ ସାରାଇଆଚେ, ସେ ସବୁଜାକ ଆମେ ମାନବାର୍ ଆଚେ ।

<sup>୧୭</sup> ✧ ଏ ମର୍ ବାଇବଇନିମନ୍, ମୁଇ ଜେନ୍ତାରି କଲିନି, ତମେ ମିସା ସେନ୍ତାରିସେ କରା । ଆମେ ତମର୍ ସଙ୍ଗ୍ ରଇଲାବେଲେ ଜେନ୍ତି ଚଲାଚଲ୍ତି କରତେରଇଲୁ, ସେଟା ଜାଗର୍ତ୍ତ୍ ସଙ୍ଗ୍ ଦେକା ଆରି ସେନ୍ତାରି ଚଲାଚଲ୍ତି କରା । <sup>୧୮</sup> କାଇକେ ବଇଲେ ମୁଇ ତମ୍ଭକେ ଆଗତୁ କେତେତର୍ କଇ ସାରାଇଆଚି, ଆରି ଏବେ ବେସି ଦୁକର୍ ସଙ୍ଗ୍ କାନ୍ଦିକରି କଇଲିନି, ବେସି ଲକ୍ କିରିସ୍ତର୍ ବିରଦି ଇସାବେ ଚଲାଚଲ୍ତି କରବାଇ । <sup>୧୯</sup> ସାରାସାରି ପରମେସର୍ ସେମନ୍ଦକେ ବିନାସ୍ କରସି । ସେମନ୍ ଅବ୍‌କା ଗାଗଡ଼ ମନ୍ କରବାଟା ପୁରାପୁରୁନ୍ କରବାକେ ମନ୍ କଲାଇନି । ଲାଜର୍ ବିସଇ କରି ସାରଦା କଲାଇନି । ଅବ୍‌କା ଏ ଜଗତର୍ ବିସଇସେ ଚିନ୍ତା କଲାଇନି । <sup>୨୦</sup> ମାତର୍ ଆମେତା ସରଗର୍ ଲକ୍‌ମନ୍, ସେ ଜାଗାଇଅନି ଆମର୍ ଉଦାରକାରିଆ ମାପୁରୁ ଜିସୁକିରିସ୍ତ ବାଉଡ଼ି ଆଇବା ବେଲାକେ ଆମେ ଜାଗ୍‌ଲୁନି । <sup>୨୧</sup> ଜେନ୍ତିକି ତାକେ ଜଗତର୍ ସବୁ ବିସଇ ସର୍ପିଅଇବାଇ, ସେନ୍ତାରି ତାରଟାନେ ବପୁ ଆଚେ । ସେ ବପୁସଙ୍ଗ୍ ଆମର୍ ମର୍ବା ଗାଗଡ଼ମନ୍ଦକେ ନୁଆ କରି ବାଦ୍‌ଲାଇସି । ପରମେସର୍ ତାକେ ଜିବନ୍ କରି ଉଟାଇଲାବେଲେ, ସେ ଜନ୍ ମଇମାର୍ ଗାଗଡ଼ ପାଇରଇଲା, ସେନ୍ତାରି ରଇବା ମଇମାର୍ ଗାଗଡ଼ ଆମ୍ଭକେ ମିସା ଦେଇସି ।

## ୪

### ସିକିଆ ଆରି ଆଦେସ୍

<sup>୧</sup> ତେବର୍ ପାଇ ଏ ମର୍ ବିସ୍‌ବାସି ବାଇବଇନିମନ୍, ମୁଇ ତମ୍ଭକେ ଆଲାଦ୍ କରି ଦେକ୍‌ବାକେ ମନ୍ କଲିନି, ତମେ ମକେ ବେସି ସାରଦା କରାଇଲାସନି ଆରି ତମେ ଆକା ମର୍ ପୁରୁସ୍କାର୍ । ମର୍ ମଇତର୍‌ମନ୍, ମୁଇ ତମ୍ଭକେ ଜେଡ଼କି ବିସଇ କଇଆଚି, ସେନ୍ତାରିସେ ମାପୁରୁଟାନେ ବିସ୍‌ବାସେ ଡାଟ୍ ରୁଆ ।

<sup>୨</sup> ଇୟଦିଆକେ ଆରି ସନ୍ତୁକେ ମୁଇ ବାବୁଜିଆକରି କଇଲିନି, ତମେ ଦୁଇଲକ୍ ଜାକ ମାପୁରୁର୍ ଲକ୍ ଅଇଆଚାସ୍ । ତେବର୍ ପାଇ ତମର୍ ବିତ୍‌ରେ ଗଟେକ୍ ମନ୍ ଅଇ ରାଜିଉଆ । <sup>୩</sup> ଆରି ବାଇ

✧ ୩:୧୭ ୩:୧୭ ୧ମ କରନ୍ତିୟ ୪:୧୭;୧୧:୧

ଜେ କି ସବୁବେଳେ ମନେ ସାଇଜ କରସୁ, ଏ ଦୁଇଟା ମାଇଜିମନ୍ ସାନ୍ତି ସଙ୍ଗେ ରଇବାକେ ତୁଇ ସାଇଜ କର୍ । କାଇକେବଇଲେ ସୁବକବର୍ ଜାନାଇବା କାମେ ସେମନ୍ ମରସଙ୍ଗେ ରଇକରି ବେସି ଆବଡ୍ ଅଇଲାଇ ଆଚଡ୍ । ସେନ୍ତାରିସେ କେଲେମେନ୍ଟ ଆରି ବିନ୍ ଲକ୍ମନ୍ ମିସା ମର୍ ସଙ୍ଗେ କାମ୍ କରତେରଇଲାଇ । ପର୍ମେସର୍ ତାର୍ ବଇଟାନେ ସେମନ୍ ସବୁ ଲକର୍ ନାଉଁ ଲେକ୍ଲା ଆଚେ । ସେ ସବୁ ଲକ୍ ନ ସାର୍ବା ଜିବନ୍ ପାଇଲାଇ ଆଚଡ୍ ।

୪ ମାପୁରୁର୍ ସଙ୍ଗେ ମିସିରଇଲାର୍ପାଇ ସବୁବେଳେ ସାର୍ଦା ଅଇକରି ରୁଆ । ମୁଇ ଆରିତରେକ୍ କଇଲିନି ସାର୍ଦା ଅଇକରି ରୁଆ ।

୫ ଦରମ୍ ଅଇକରି ସବୁ ଲକର୍ ସଙ୍ଗେ ଚଲାଚଲ୍ଡି କରା । ମାପୁରୁ ଆଇବା ଦିନ୍ କେଟି ଆଇଲାନି ବଲି ପାସ୍‌ରାନାଇ । ୬ କାଇ ବିସଇ ନେଇକରି ମିସା ଚିନ୍ତା କରି ଦାନ୍ଦା ଉଆନାଇ । ତାର୍ ବାଦୁଲେ ସବୁ ଗର୍ନା ଅଇଲା ବେଲେ, ତମକେ ଜାଇଟା ଲଡା ଆଚେ, ସେ ବିସଇ ପର୍ମେସର୍‌କେ ଗୁଆରି କରା । ଆରି ପାର୍ତନା କଲାବେଲେ, ତାକେ ଦନିଅବାଦ୍ ମିସା ଦିଆସ୍ । ୭ ଏନ୍ତାରି କଲେ, ପର୍ମେସର୍ ତମକେ ସାନ୍ତି ଦେଇସି । ଏ ସାନ୍ତି ଲକ୍ମନ୍ ବୁଜ୍‌ବା ସାନ୍ତିର୍ପାରା ନାଇ । କିରିସ୍ଟ ଜିସୁର୍ ସଙ୍ଗେ ମିସ୍‌ଲାର୍ପାଇ ଜଦି ଏ ସାନ୍ତି ତମେ ପାଇଲେ, ତମର୍ ଜିବନେ କସ୍ଟ ଆଇଲେ ମିସା ନ ଡରିକରି, ଚିନ୍ତାକରି ଦାନ୍ଦା ନ ଅଇବାକେ ସାଇଜ କରସି ।

୮ ସାରାସାରି ପଚେ ଏ ମର୍ ବାଇବଇନିମନ୍, ଜେଡ୍‌କି ସବୁ ବିସଇ ନିକ ରଇସି, ଜେଡ୍‌କି ସବୁ ବିସଇ ସନ୍‌ମାନ୍ ପାଇସି, ଜନ୍ ସବୁ ବିସଇ ସଡ୍ ରଇସି, ଜନ୍ ସବୁ ବିସଇ ପାପ୍ ନଇତେ ରଇସି, ଜନ୍ ସବୁ ବିସଇ ଦରମ୍ ରଇସି, ଆରି ଡାକ୍‌ପୁଟା ରଇସି, ଏ ସବୁ ବିସଇନେଇ ଚିନ୍ତା କରା । ୯ ତମକେ ମୁଇ ଜେଡ୍‌କି ସବୁ ବିସଇ ସିକାଇରଇଲି, ଆରି ତମେ ମାନିରଇଲାସ୍ ସେଟା ସବୁ କର୍ତେରୁଆ । ମୁଇ ଜେଡ୍‌କି ବିସଇ କଇତେରଇଲି, ସେଟା ସୁନ୍‌ତେରଇଲାସ୍ ଆରି ଜେଡ୍‌କି ବିସଇ କର୍ତେରଇଲି, ସେଟା ଦେକିରଇଲାସ୍, ସେଟା ସବୁ କର୍ତେରୁଆ । ପର୍ମେସର୍ ତମର୍‌ସଙ୍ଗେ ରଇ ତମକେ ସାନ୍ତି ଦେଇସି ।

ଦାନ୍ ଦେବାର୍‌ଲାଗି ଦନିଅବାଦ୍

୧୦ ମାପରୁର ସଙ୍ଗ ମିଶ୍ନାର ପାଇ ମୁଇ ବେସି ସାରଦା ଅଇଲିନି । କାଇକେବଇଲେ, ମକେ ଲଡାକେ ଲାଗ୍‌ବାଟା ପାଟାଇଦେଲାକେ ତମେ ମର୍ ବିସଇ ଚିନ୍ତା କଲାସ୍‌ନି ବଲି ମୁଇ ଜାନ୍‌ଲିନି । ତମର୍ ଆଲାଦ୍ ଦେକାଇବାକେ ଏବେସେ ତମକେ ବେଲା ଟିକ୍ ଅଇଲା । ୧୧ ମକେ ଲଡାକେ ଲାଗ୍‌ବା ବିସଇ ମର୍ଲଗେ ନ ରଇଲାକେ ବଲି ଏନ୍ତାରି କଇନାଇ । କାଇକେବଇଲେ ମର୍ ଜିବନର୍ କାଇ ରକାମର୍ ଗଟ୍‌ନା ଆଇଲେ ମିସା, ସାରଦା ସଙ୍ଗ ରଇବାକେ ସିକ୍‌ଲିଆତି । ୧୨ ଅଲପ୍‌କେ ମିସା ସାରଦାସଙ୍ଗ ରଇବାକେ, କି ବୁଡେକ୍ ରଇଲେ ମିସା ସାରଦା ସଙ୍ଗ ରଇବାକେ ସିକ୍‌ଲିଆତି । ପେଟ୍ ପୁରୁଡେ କାଇଲେମିସା, କି ବୁକେ ରଇଲେ ମିସା, ଲଡାକେ ଆଇବା ସବୁ ବିସଇ ରଇଲେ ମିସା, ନ ରଇଲେ ମିସା, ସାରଦାସଙ୍ଗ ରଇବାକେ ମୁଇ ଜାନି । ୧୩ ଏ ସବୁ ଗଟ୍‌ନା ଆଇଲେ ମିସା ମୁଇ ମୁର୍ଚିକରି ରଇବାକେ ସିକ୍‌ଲିଆତି । କାଇକେବଇଲେ, କିରିସ୍‌ଟ ମକେ ବପୁ ଦେଲାନି ।

୧୪ ଏନ୍ତାରି ଅଇଲେ ମିସା ଅବାବ୍ ରଇଲା ବେଲାଇ, ତମେ ମକେ ଦୟାଦେକାଇ ମର୍ପାଇ ସାଇଜ ପାଟାଇଲାସ୍ । ୧୫ ପିଲିପିଅଡେଇ ରଇବା ବାଇବଇନିମନ୍, ତମେ ସତଇସେ ଜାନିଆଗାସ୍, ସିଗ୍ ପର୍ଡୁମ୍ ସୁବ୍‌କବରର୍ ବିସଇ ସିକାଇବା ବେଲେ, ମୁଇ ମାକେଦନିଆଇଅନି ଜେଡେବଲ୍ ବାରଇ ଜାଇରଇଲି, । ବିସବାସି ମନର୍ ଦଲ୍ ବିଡ୍‌ରେ, ତମର୍ ମଣ୍ଡଲିର୍ ବିସବାସିମନ୍‌ସେ ମକେ ଡାବୁ ଦାନ୍ କରିରଇଲାସ୍ । ୧୬ ✠✠ଡେସଲନିକିଆ ନଅରେ ରଇବାବେଲେ ମିସା ମକେ ଲଡା ରଇଲାବେଲେ, ତମେ ଦୁଇଡର୍ ଦାନ୍ ପାଟାଇଲାସ୍ । ୧୭ ତମକେ ମୁଇ ଦାନ୍ ପାଟାଇଡେରଅଡ୍ ବଲି ଏନ୍ତାରି କଇନାଇ । ମାତର୍ ମକେ ସାଇଜ କଲାର୍ ପାଇ, ପର୍‌ମେସର୍ ତମକେ ପୁରୁସ୍କାର ଦେଅ ବଲି ମୁଇ ମନ୍ କଲିନି । ୧୮ ଡେବେ ତମେ ମର୍ପାଇ ପାଟାଇଲାଟା ସବୁଜାକ ମର୍‌ଟାନେ କେଟ୍‌ଲା ଆଡେ । ଆରି ସେଟା ମର୍ପାଇ ଅଦିକ୍ । ତମେ ପାଟାଇଲା ସବୁ ବିସଇ ଏପାପର୍‌ଦିସ୍ ମର୍ଲଗେ ଆନ୍‌ଲାକେ, ମକେ ଲଡାକେ ଆଇବା ସବୁ ମୁଇ ମିଲାଇଆତି । ଏନ୍ତାରି କଲାକେ ତମେ ପର୍‌ମେସର୍‌କେ ସର୍‌ପି ଦେଲା ନିକ ବାସ୍‌ନା ଅଇବା ଦାନ୍ ପାରା ଅଇଲା ଆଡେ । ସେ ସେଟା

ସଙ୍ଗଈକରି ସାରଦା ଅଇଲାଆଚେ । <sup>୧୯</sup> ଜିସୁକିରିସ୍ଟ କରି ରଇବା କାମର ଲାଗି, ବେସି ରଇବା ତାର ଦନ୍‌ସ୍‌ପତି ଟାନେଅନି ସେ ତକେ ଲଡାକେ ଆଇବା ସବୁ ବିସଇ ଦେଇସି । <sup>୨୦</sup> ଆମର୍ ସରଗର୍ ବାବା ପରମେସର୍ କାଲ୍ କାଲ୍ ଜୁଗ୍‌ଜୁଗ୍ ଡାକ୍‌ପୁଟା ପାଅ । ଆମେନ୍ !

### ସାରାସାରିର୍ ଜୁଆର୍

<sup>୨୧</sup> କିରିସ୍ଟ ଜିସୁକେ ବିସ୍‌ବାସ୍ କରବା ପରମେସରର୍ ସବୁ ଲକ୍‌ମନ୍‌କେ ଜୁଆର୍ କରା । ମର୍‌ସଙ୍ଗ୍ ରଇବା ଆମର୍ ବିସ୍‌ବାସି ବାଇବନିମନ୍ ଡାକର୍ ଜୁଆର୍ ଜାନାଇଲାଇନି । <sup>୨୨</sup> ଏ ନଅରେ ରଇବା ବାକି ସବୁ ପରମେସରର୍ ଲକ୍‌ମନ୍ ତମ୍‌କେ ଜୁଆର୍ ଜାନାଇଲାଇନି । ଜନ୍ ବିସ୍‌ବାସିମନ୍, ଜନ୍‌ଲକ୍ କି ରମିଅ ସାସନ୍‌କାରିଆର୍ ଗତିଦାଙ୍ଗ୍‌ଡା ଅଇଲାଆଚଡ୍, ସେମନ୍ ଡାକର୍ ଜୁଆର୍ ଜାନାଇଲାଇନି ।

<sup>୨୩</sup> ମାପରୁ ଜିସୁକିରିସ୍ଟ ତମ୍‌କେ ଜିବନ୍ ଦୁକାଇ ଦୟା କଲାଟା ତମର୍ ବିଡ୍‌ରେ ରଅ ।

**ସତ୍ତ୍ୱର ବାବ୍**  
**The New Testament in the Desiya language of India:**  
**ସତ୍ତ୍ୱର ବାବ୍ (Bible)**

copyright © 2020 The Word for the World International

Language: ଦେଶିଆ (Desiya)

Contributor: The Word for the World International

**ସତ୍ତ୍ୱର ବାବ୍**  
**ଦ୍ୱିତୀୟା ନିୟମ, 2020**

The New Testament in Desiya Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-08

---

PDF generated using Haiola and XeLaTeX on 21 Feb 2024 from source files dated 9 Apr 2023

cd4d7c1f-dc97-5fb4-a0ba-ab968fde9cde